




# ShowyMas

AweMainta pabien cubo  
10 aniversario



## BANCO DI CARIBE



**Pabien AWE Mainta cu boso  
10 Aña di informacion  
pa pueblo di Aruba**

**Banco di Caribe**

SAC ta informa riba  
ruta nobo carnaval 60

## Cambio di ruta Parada di San Nicolas

STICHTING Arubaanse Carnaval SAC a anuncia algun cambio pa loke ta e ruta di carnaval 60 na San Nicolas. Tecla Kelly, Presidente di SAC a duna di conoce cu teniendo na cuenta cu durante carnaval 50 y 55, cabes y rabo di e parada a topa otro locual a crea problema na final, a dicidi di bin cu algun cambio. Kelly a indica cu e aña aki a traha riba tempran riba e aspectonan aki pa asina tur cos por ta regla na tempo. El a sigui bisa cu e ruta ta bay ta for di Elmar bayendo pa e rotonde di FTA. E number di e grupo lo wordo marca ariba caya pa asina tur hende sa unda nan tin cu para. Banda di esaki el a agrega cu e cabes lo sali dilanti di Elmar pa bay zuid, den Van Speyk straat y sigui bay direccion di Gallo Rojo te yega na e rotonde di ex Texas. Un bes cu yega eyan e ruta ta bay bira normal. Akinan ta sigui bay pa B. Van de Veen Zep-penveldstraat, Grensweg, Lagoweg, pasa tras di pomp di gasolin di Es-soville y despues di Macro (ex Kong Ming/Wan Booy), ta lora bay abao completamente. E "Pa e cabez cu e rabo topa otro no ta bay ta asina facil pasobra si bo wak bon, un bes cu e cabes yega Joe Laveist Ballpark y ainda si acaso e rabo ta saliendo anto e ora nos lo subi Weg Sero Preto bay ariba", asina Tecla Kelly a informa. Esnan cu ta bay carnaval por uza e cayanan door di Brazil bay Caya Jose Geerman. Ya caba for di FTA e trafico no por bay ariba. Si acaso cu mester di mas espacio lo sigui bay abao di e rotonde. Te cu awor esaki ta e setup cu ta bay tin pa loke ta trata e ruta di e parada San Nicolas. Ta pidi e gruponan pa yega na tempo pa asina tene cuenta cu e salidanan y pa no haya complicacion ora cu cera e cay-anan, e presidente di SAC a enfatisa.